

Rok President  
Thomas S. Monson



# E Muruwel Rodad Ningad Thapeged

**K**o e Gidii'en Got ko Tin Tomur e Rran, e muruwel ningan thapeg e walagen nib mo'on fa ppin ni kar, ko reb e fan fa reb, kar malog ko kanawo' ko activity ulane Galasia e rib ga'fan ko tin manemus. Gadadma nang e gidii' u somm'on kar thapeged fare gospel? Fa'anra arragon, mange muruwel rodad ningad thapegraed?

Lemnog ko gidii' nib malog ufithik e gidii' nike labthir, yim' lengin, fa gafgow ko maar. Boech e ngiyal' ngan piri'yeg raed u wuru' e binaw ulane e gin ni kanoeg e kirebaen' ngay. Nap'an ke yaen e fel' yangren, nap'an ke yib e maar, nap'an e rayog rok e ba yaen, nap'an fare magal ko athap ba mang achigchig, rayog ningan duruwiy'raed man ayuweged udakaen fare paa' nira pii' ayuw nge fare gum'racha'en nima nang e t'ufeg.

Bay reb, arragon, nima t'uf e athap rok. Boech e ba cham ko denen ma reb ba milekag ufithik e rus fa kireb fa minaen'. Ko demturug e fan, kar ranoed ko activity ulan fare Galasia. Ma arragon yaed ra paered nib malog richy ningan tab'ab ufithikdad—fapi chongin nib active ko fare Galasia—e marnog ningad thapegraed.

## Bee' nira Dag e Wo'en

U somm'on Kug thapeg e babyor nike yoloey fare pou'moon nike malog ko fare Galasia. Irba dag e rogon

ko bo'or e chongin rodad. Tomuren ke weliy' urrogon ke mang inactive, ke yoloey:

“U somm'on bay bo'or e ba'nen rog ma chiney kemus buch'uw. Kug kirebaen' mug thamiy woed Gube wear ko urngin e ba'nen. Dariy bi'ed nike chuw fare gospel u gum'racha'eg, machane ke chuw ko yafas rog. Gube fith ko pi meybil romed.

“Wenig dam pagtalin gamaed e gidii' ara'—fare Gidii'en Got ko Tin Tomur e Rran ni kan malog. Gumanang b'uw fare Galasia, machane boech e ngiyal' Gube lemnog Gube t'uf rog bee' ninge dag fare wo'en ngog, gay e fel' laniyaen, thang e pi rus rog, me pii' e m'ag ngog.”

Nap'an kug biy'eg fare babyor, kug lemnog maruna'gen e ngiyal' Kug waen nga reb e bin thabi fel' e tafen ko art ulongob e fayleng—fare ga' Victoria nge Albert Museum u London, England. Aram, ni kan tayeg nib fel, i'ir e saysing nib fel' usun ni kan sunmiy u 1831 rok Joseph Mallord William Turner. Fare sasing be dag e maguleng nib talmor mab sug ko n'ew nge puw e dai nira pii' e kireb nge yam'. Be yib e magal ko barko nga orel. U somm'on, ni kan yin' nga lang u fithik e dai nib puw, i'ir e barko nib achichig. Fapi mo'on ba telgaed ko yangi oar nap'an e barko roraed ba cham ko dai. Nga dapi'ay ba sak'iy e le'engin nge la'agruw chi bitir, aw e

n'ew ma nifeng. Yaedba sap nga orel u dai. Kug kunuy Mug pii' fithingan ko fare saysing. Ngog e kemang *Ni Nga Thapeg*<sup>1</sup>

Ufithik e yoko' ko yafas, be soen e riya'. Mo'on nge ppin, pagael nge rugod ba patngay nibe malog nge magothgoth. Mini' ra powiy' fapi chi barko, chuw ko fa tin ni fel' ko na'un nge tabinaew, ranoed ningar thapraed?

Muruwel rodad e ngad manged polo'. Gadadba rin' e muruwel rok Somoel; be mat'awdad ko ayuw Rok.

Nap'an e muruwel ko fare Masta, Ke pinning boech e tafita' u Galille ningar pag e tawolin mar lekeged Ngak, me yoeg, <sup>2</sup> Ningad uned e ulungi tafita' ko mo'on nge ppin, ningad pii'ed demturug e ayuw ni rayog rodad.

E muruwel rodad ningad kii'ed paa'dad mag thapeged e gidii' kar chuweged ko fare matangiy ko activity, ningan fekraed nga tebel ko en Somoel mar duruwiyed ko thin Rok, ningar faflaen' ko fagar ni Ya'el Rok, mar manged "gathi kigimed girdi'en yugu boch nam ara bogni' nda nnang owchraed, ya chiney e kam manged girdi' rok Got, ni kam manged girdi'en e tabinaew rok Got."<sup>3</sup>

### Fare Likngin ko T'ufeg

Kug piry'eg la'arguw i fan ni ra weliy' ko sulweg ko activity nge thilyeg ko laniyaen', yalen, nge ngongol. Bin somm'on, gidii' ra sulweg bachane reb e bee' ke dag e rayog roraed u manemus maki ayuwegraed ningar me'leg ningar thapeged. Fapi less active dabiyog ningar soen ko tin nib lily nap'an rayog ningar guyed e tin nib fel' u paa'raed.

Bin la'agruw, reb ra sulweg bachan e gidii' nib t'uf ngak fa "girdi'en Got" kar folgad ko fanow rok en Somoel, makar t'ufeged ngak e yoror roraed woed rogon ngoraed, <sup>4</sup> ma kar ayuweged reb ningar mugu'uliyed e lek roraed ma rrin'ed e tin ni yaedba a'dag.

Fa tin nira gay e thilyeg ko pinn'ey u somm'on—ma ra athamgil ko manemus—i'ir fare likngin ko t'ufeg.

E rogon nib riyul', fapi gidii' ni kar maloged ko fare puw e dai ko saysing rok Turner e yaed woed rogon bo'or e chongin nib less-active nima soen ko thapeg ko gidii' nima powiy' chibarko. Gum'racha'raed ba'adag ningar ayuweged. Chintangin nge Chitamangin meybil ni fan e fak nib mo'on nge ppin roraed. Le'engin be yoer e wening nga tharmiy ko figirngin ningan thapeg. Boech e ngiyal' e bitir ra meybil ni fan galabthir

I'ir e meybil rog ni ngad gayed e 'ar'ar ningad thapeged e less active ma fekraed bayay ngak e tin faflaen' ko fare gospel ku Yesus Kristus, ningar athapeged ngodad urngin e ba'nen nira yub udakaen e fellowship nib polo'.

Ningad kii'ed paa'dad ngak e gidii' nib malog ulogobdad: ga' yangren, n'ag mabgol, gidii' nib maar, gidii' nib gafgow, less active, ma gidii' ni gathi mafol ko motochiyel. Ningad kii'ed paa'dad ngoraed ko ayuw nge gum'racha'dad nima nang e t'ufeg. Ma rrin' e pinn'ey, gadadra pii' e faflaen' nga gum'racha'raed, ma gadadra thamiy e faflaen' nira yib ngodad nap'an ngad ayuweged reb ko fare kanawo' nima soer nga yafas nib manemus.

### NOTES

1. Fithingan e saysing ney e *beLife-Boat and Manby Apparatus Going Off to a Stranded Vessel Making Signal (Blue Lights) of Distress*.
2. Matthew 4:19.
3. Effesus 2:19.
4. See Matthew 22:39.

---

## ROGON NI NGAN FIL KO BINEY E MULWOL

Lemnong ningam fith e gidii' gaba mada'nog fa'anra yaedma nang bee' nima gafgow ko un nga galasia. Rayog ningam me'leg ta'areb e bee' ma non marunga'-gen boech e rogon ningam dag e t'ufeg ngak, woed pinning ir ninge un ko family home evening fa yib ko abich.

## FAL' YANGREN

### Fare Taw'ath ku Jen

Rok Josi S. Kilpack

**K**ug rrin' boech e oloboch nap'an e duw ko sophomore u high skuul. Fapi me'eleg ke yaen nga kirebaen', Mug me'leg ningu thilyeg nap'an e tofan ko summer. Nap'an ke tabab skuul bayay, Kug abich u klosis fa ulangin e hallway ni demo' bee' ningu chuw ko e gidii' nib kireb e yaed be soen ningar pinningeg.

Dawor ningu thamiy fana gaa' l kirebaen'.

Me Got ke pii' e taw'ath ngog: Ke loeg Jen ngog. Dabki pufthinnigeg ko oloboech rog machane ke gay e fel' laniyaen'ug ni ngug athamgil. E nang fan ni i'ir yaen nga skuul ke ayuweg nige ningu biy'eg e babyor nib thothup ma ayuweg e michaen'ug. Nap'an e ngiyal'

ko graduation ke yib, Kug dag ngog e rayog Rog ko thilyeg.

Gube lemnog boech e ngiyal' e gin ningu paer riy' fa'an dabki yib Jen ngog. Kug athamgil ko tabolngin e laniyaen'ug fa'an demo'? Fel', Dabiyog ningu nang bachane ke yib u polo' e gum'racha'en, ba'adag ninge pii' ayuw ngog.

*Tayoloey e be paer u Utah, USA.*

## BITIR

### Rogon ko Thapeg

**P**resident Thomas S. Monson be fil ningad kii'ed paa' ngak e gidii', arragon fapi labthir, n'ag mabgol, maar, fa less active, nge gidii' ba t'uf reb e ayuw. Lem-nog marunga'gen e gidii' nbe t'uf boech e pigpig.

Yoloey fa sasingnog boechi lem ko rogon ningam ayuweg e gidii' ney. Ra ngam fith e glabthir romed ningar ayuwegem ningam kunuy boech e lem ngam me'leg reb biney e wik.



Mich, Tabinaew, Ayuw

# Fare Muruwel nu Tharmiy ku Yesus Kristus: Tasunmiy

*Mu fil e re n'ey, ma rogon nib mangil, mag weliy ko boech e walagey nib ppin ni gabe guy. Mu murwel ko pi duwer ni nge ayuweg nem ni nge gel nag e pi walagem nib ppin man fal'eg fare Relief Society e bang ko yafas rom nib mangil. Ra tin ni ga ba adag ni ngam nang, man ko reliefsociety.lds.org*

**B**iney i'ir e bin somm'on ko boech e guruy ko fare Visiting Teaching Milwol ni ba dag bo'or e ba'nen ko fare muruwel rok en Tathapeg.

Yesus Kristus ni ke “sunmiy e tharmiy nge fayleng” (3 Nephi 9:15). Ke rrin' udakaen e gelngin ko priesthood, ma utangin e suwey ko Got ni Chitamangdad nu Tharmiy (mu guy Moses 1:33).

“Mab ga' magaeraen'dad ni Tasunmiy nib gonop ke yarmiy e fayleng maki tayeddad ara,” President Thomas S. Monson, “. . . ningad nanged e ngiyal' ko sikeng, e wo'en ningan nanged e mata'awgaed ningad athapeged urngin e ba'nen ni kan taermedliy Got ngodad.”<sup>1</sup> Nap'an ngad ngongoliyed e gelngin me'leg ningad folgad e motochiylen Got ma kalgaedngaen'dad, ngad manged ma'taw ningad suload mag paered Ngak.

Ko fare Sunmiy, President Dieter F. Uchtdorf, Bin La'agruw e Counselor ulane Bin Somm'on e Presidency, ke yoeg:

“Gadad e ba fan ni Ke Sunmiy urngin e ba'nen! . . .

Biney e n'en nib riyul' ko gidii': comper ku Got, ma gidii' e dariy; ma gadad e gubin ban'en ngak Got.<sup>2</sup> E nang ni Yesus Kristus ke sunmiy re fayleng ni fandad bachane gadad e ba thabi ga'fan ngak e Chitamangdad nu Tharmiy ra ayuwegdad ningad ga'nag e t'ufeg Ngorow.

## ***Keb ko pi Chep nib Thothup***

John 1:3; Hebrews 1:1–2; Mosiah 3:8; Moses 1:30–33, 35–39; Abraham 3:24–25

## ***Cheppin Rodad***

Kan sunmiydad u ya'an Got (mu guy Moses 2:26–27), me bay e rayog rodad nu tharmiy. Fare Profet Joeseph Smith ke ning chilen ngak fapi walagen nib ppin ko fare Relief Soceity ningar “paer ko rayog [roraed].”<sup>3</sup> Udakaen fare fel' laniyaen' ni mang dayif, fapi walagen nib ppin ko fare Galasia ku Yesus Kristus ni fan Gidii'en Got ko Tin Tomur e Rran e kan fil ngoraed ningar paered ni rayog roraed nu tharmiy mar mugu'uliyed fapi fan ku Got ni fanraed. “Nap'an yaedra nang

mini'raed—bitir nib ppin ku Got, ni bay e rayog roraed ningar t'ufeged mar chathowliyed—mar thapeged e rayog roraed ko ppin nib thothup.”<sup>4</sup>

“Kam mub nga tafen ningam ngongoliy ko fapi thamtham ni ke tayed Got u kengin romed,” ke yoeg fare Profet Joseph Smith. “Fa'an gamedra mugu'uliyed e pi likngin ney e ba mab fel' mab fel'ngin! . . . Fa'anra gara paer u fithik emuruwel romed, ma pi angel e dabyog ni nge digey med ni dabi ayuweg med.”<sup>5</sup>

## **NOTES**

1. Thomas S. Monson, “The Race of Life,” *Liahona*, May 2012, 91.
2. Dieter F. Uchtdorf, “You Matter to Him,” *Liahona*, Nov. 2011, 20.
3. Joseph Fielding Smith, u lane *Daughters in My Kingdom: The History and Work of Relief Society* (2011), 171.
4. *Daughters in My Kingdom*, 29–30.
5. Joseph Smith, u *Daughters in My Kingdom*, 169.

## ***Mange Rayog Nggur Rin?***

1. Urrogon e piriy'eg ko nang fan e rogdad nu tharmiy ra noemonog e t'ufeg rodad ko en Tathapeg?
2. Urrogon ningad daged e magaeraen'dad ko sunmiy rok Got?